



18. august 2017

UKA 2017/53

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

**Ingerlatseqatigiiffiit tamakkiisumik killilimmillu akileraartussaatitaasut il.il.  
akileraarutaassa ulloq 1. januaari 2019 aallarnerfigalugu 20 procentimut  
appartinneqarnissaanut isertitanut akileraarut pillugu Inatsisip allannguutissaanik  
saqqummiusseqqullugit Naalakkersuisut peqquneqarnissaannik Inatsisartut  
aalajangiiffisassaattut siunnersuut.**

(Inatsisartunut ilaasortaq Randi Vestergaard Evaldsen, Demokraterne)

### **Tunngavilersuut**

Demokraatit kissaatigaat inuiaqatigiinni siuariartortoqarlunilu ineriertortoqassasoq, isumaqarpugut tamanna ineriertorneq namminersorlutik inuutissarsiortut ingerlatissagaat. Taamaattumik tamattaalluta pilersittariaqarpagut suliffeqarfiiit nukittuut, aningaasaliinissaminnt periarfissagissaartut, suliffeqarfiiit ineriertornissannut periarfissiissariaqarpugut, matuersaallu ataaseq unaavoq, suliffeqarfiiit namminneq aningaasaatitik, kaaviiartitatik amerlanerulernissaat.

Tassunga atatillugu iliuuserineqarsinnaasoq pitsaanerpaaq tassaavoq suliffeqarfiiit aningaasaataannik arsaartorneqannginnissaat. Allatut oqaatigalugu ingerlatseqatigiiffiit akileraarutaat appartinneqartariaqarpoq maannakkut 30 procentiit 20 procentinut. Tamatuma kinguneranik nunaqvassisut suliffiutaasa allamiut suliffiutaannut naleqqiullutik unammillersinnaassusaat annertusarneqassaaq peqataanillu suliffeqarfiiit akissaqarnerulissapput aningaasaliinissaminnt ikorfartuutaasussanik sulliviit amerlanerusut pilersinnissaannut taamatullu akileraarutit aamma amerlanerusut pilersinnissaannut. Tamatuma saniatigut inuiaqatigiit inunnik isumaginninnerup iluani aningaasartuutinik sipaartinneqassapput iluanaarutillu qaavatigut inuiaqatigiinni assigiinngissuseq appartinneqassaaq amerlanerusut suliffeqalissammata.

Ingerlatseqatigiiffiit akileraarutaat europami appariartorpoq. EU-mi ingerlatseqatigiiffiit akileraarutaat agguaqatigiisillugu 2006-mi 25,1 procentiusoq 2016-mi agguaqatigiisillugu 22,5 procentinngornikuuvvoq.<sup>1</sup> Danmark kisiat qissimissagutsigu ingerlatseqatigiiffiit akileraarutaat 2006-mi 28 procentiusoq 22 procentinut apparnikuuvvoq 2016-mi. Tassunga atatillugu soqutinarpoq malugissallugu, Danmarkimi naalakkersuisuusartut talerperliuppata saamerliuppataluunniit akuttunngitsumik ingerlatseqatigiiffiit akileraarutaat appartittarmassuk.

<sup>1</sup> <http://www.skm.dk/skattetal/statistik/akileraarutit/kisitsisitigut/naliginnaasut-/nunani/eu-mi/ilaasortaasuni/ingerlatseqatifiit/akileraarutaasa/annertussusaat-1995-2016>



Nunatsinni ingerlatseqatigiiffit akileraarutaa 20 procentinut appartikkutsigu aningaasaliitsiniarneq eqqarsaatigalugu nunarsuup sinneranut naleqqiulluta unammillersinnaassuserput nukittunerulissaaq aammalu peqataanik nunaqavissut suliffiutaat tunngavissaqartilissavagut tunisassiornerminnik qaffaanissaannut kiisalu suliffinnik amerlanerusunik pilersitsinissaannut.

Ingerlatseqatigiiffit akileraarutaannik appaagutta imaanngilaq pisortat karsii aningaasanik annaasaqassasut. Paarlattuanik pisoqassaaq. Dansk Erhvervip aviiseeqqami "Dansk Erhvervs Perspektiv" saqqummersippaa allaaserisaq "Ingerlatseqatigiiffit akileraarutaa appasinneq niuerntsialaavoq"<sup>2</sup> allaaserinnituulluni Dansk Erhervimi akileraartarnermut politikkimut akisussaasoq Bo Sandberg kiisalu Dansk Erhervimi inuiaqatigiit tamarmiusut aningaasarsiorerat pillugu suleqataasoq, makroøkonomiskimut suleqataasoq, Matthias Borritz Milfeldt.

Tassani nassuiardeqarpoq Danmark 80-sikkut qiteqqunneqaranniit aningaasarsiornikkut ajornartorsiulerneq tikillugu BNP-mut tamakkiisumut ingerlatseqatigiiffit akileraarutaasa ilapittuutaanerat qaffakkiartorsimasoq ingerlatseqatigiiffit akileraarutaata appariartornera peqatigalugu. OECD-p naatsorsuisimanera naapertorlugu ingerlatseqatigiiffit akileraarutaat 1987-mi BNP-mut ilapittuutaasimavoq 2,1 procentit missaannik. Kisitsit taanna 1991-milli qaffakkiartuaartuarsimavoq 2006-milu annertunerpaagami BNP-mut 4,3 procentimik ilapittuutaasimavoq. Taamaasilluni ingerlatseqatigiiffit akileraarutaasa Danmarkimi iluanaarutaanerat ukiut kingullit 20-t ingerlanerini marloriaatinngorsimavoq. Tassunga atallugu soqtiginarluinnartua uaniippoq, takullugu ukiut taakku 20-t ingerlanerini ingerlatseqatigiiffit akileraarutaat killormut ingerlasimammat: Ingerlatseqatigiiffiimmi sinneqartoortiminnut 50 procentimik akileraartinneqartarnerat 25 procentimut apparsimavoq. Allatut oqaatigalugu ingerlatseqatigiiffit akileraarutaata appartinera imminut akilersinnaalluarpoq, suliffeqarfinnut inuiaqatitsinnullu.

Tassunga atallugu Demokraatiniit nalunngilluarparput piffissami 80-sikkut qiteqqunneranniit Aningaasarsiornikkut ajornartorsiulererup tungaanut aningaasarsiornikkut ingerlalluartoqarnikuusoq soorunalumi tamanna ingerlatseqatigiiffit akileraarutaasigut isertittakanut sunniuteqarnikuovoq, aningaasarsiornikkulli ingerlalluarneq kisimi pissutaanngilaq ineriartornermut allaaserineqartumut.

Partiit allat saqqummiussassaanut kiisalu Naalakkersuisut akissuteqarnissaannut qilanaarpugut.

### **Aningaasatigut allaffissornikkullu pisortanut kingunerusussat**

<sup>2</sup> <http://docplayer.dk/2420248-Lavere-selskabsskat-er-en-god-forretning.html>



Naalakkersuisut FM2017/62-mut atatillugu akissutiminni<sup>3</sup> naatsorsorsimavaat ingerlatseqatigiiffiit akileraarutaannik appaaneq pisortat karsiinut procentpointimut ataatsimut 9 millioner koruuninik ajunaarutaasassasoq. Tassa imaappoq pisortat karsii kisiisa qiviaraanni ukiument 90 millioner koruunit annaaneqartassapput siunnersuut akuerineqassagaluarpat. Tassunga atatillugu puigussanngilarput Akileraartarnermut Tungiuinermullu Siunnersuisoqatigiit naatsorsornikuummassuk pisortat karsii 250.000 koruuninik sipaartartussaasut inuk ataaseq pisortat ikorsiissutaannik pisartoq suliffittaaraangat. Tassa imaappoq, sulliviit taamaallaat 360-t pilersinneqartariaqassapput ingerlatseqatigiiffiit akileraarutaannik appaaneq imminut akilersinnaalissappat. Demokraatini qularinngilarput tamanna pisinnaalluartoq, taamaattumik isumaqarpugut ingerlatseqatigiiffiit akileraarutaannik appaaneq minnerpaamik imminut akilersinnaajumaartoq.

**Aningaasatigut allaffissornikkullu sullivinnut namminersortunut kingunissai.**

Ingerlatseqatigiiffiit akileraarutaata 30 procentiniik 20 procentinut appartinera sullivinnut namminersortunut aningaasatigut kusanartumik kinguneqassaaq, akileraarutit peereerlugit annertunerusumik sinneqartoortoqartalernissa naatsorsuutigisariaqarpoq. Sinneqartoortillu taakku aningaasaliissutigineqartarnissaat naatsorsuutigisariaqassaaq kinguneralugu ineriartorneruneq aamma sullivinnik pilersitsiortorneq.

**Aningaasatigut allaffissornikkullu innuttaasunut kingunissai**

Aningaasatigut allaffissornikkullu innuttaasunut kinguneqassanngilaq. Innuttaasut siunnersuutip nassataanik sulilersussat misigissavaat inuttut aningaasarissaarnerulerneq.

---

<sup>3</sup> [http://www.inatsisartut.gl/dvd/FM2017/pdf/media/2531198/pkt62\\_fm2017\\_vaekst\\_reformer\\_sn\\_kal.pdf](http://www.inatsisartut.gl/dvd/FM2017/pdf/media/2531198/pkt62_fm2017_vaekst_reformer_sn_kal.pdf)